

MESYUARAT KEDUA, PENGKAL KETIGA
PARLIMEN KEEMPAT BELAS
2020

HARI SELASA : 25 OGOS 2020

JAWAPAN-JAWAPAN BAGI PERTANYAAN-PERTANYAAN JAWAB
LISAN YANG TIDAK DIJAWAB DI DALAM DEWAN
(SOALAN NO. 6,8, 15 HINGGA NO. 48)

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : PUAN NOORITA BINTI SUAL
[TENOM]**

TARIKH : 25 OGOS 2020 (SELASA)

SOALAN

minta **MENTERI PEMBANGUNAN LUAR BANDAR** menyatakan langkah-langkah yang telah dirancang untuk mengatasi masalah bekalan air bersih di Sabah terutamanya di kawasan yang jauh daripada sumber air sungai bersih seperti di pulau dan kawasan pedalaman.

JAWAPAN

Tuan Yang di-Pertua,

Untuk makluman yang berhormat, secara dasarnya, penyediaan bekalan air bersih dan terawat adalah di bawah tanggungjawab Kerajaan Negeri dan Pihak Berkuasa Air Negeri (PBAN) yang melibatkan penyediaan sumber air, pembinaan paip utama, pembinaan loji rawatan air serta pengoperasian dan penyelenggaraan.

Peranan dan matlamat Kementerian Pembangunan Luar Bandar (KPLB) adalah membantu mempercepatkan liputan dan merapatkan jurang bekalan air bersih dan terawat ke kawasan luar bandar melalui penyambungan paip retikulasi dari paip utama ke rumah-rumah yang belum mendapat bekalan air bersih dan terawat.

Bagi kawasan-kawasan luar bandar yang kritikal, Kementerian boleh mempertimbangkan membina atau menaiktaraf loji rawatan air, pembinaan paip utama, pembinaan tangki dan rumah pam bagi memastikan kawasan sasaran mendapat bekalan air terawat dengan tekanan dan kapasiti yang mencukupi.

Bagi kawasan yang jauh dari sumber air yang bersih, Kementerian mempunyai sistem air alternatif seperti sumber air bawah tanah, tandak sungai, perigi dan sumber air hujan bagi tujuan bekalan air bersih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPATBELAS**

PERTANYAAN : JAWAB LISAN

**DARIPADA : YB DATO' MOHD AZIS BIN JAMMAN
(SEPANGGAR)**

TARIKH : 25 OGOS 2020

SOALAN

DATUK MOHD. AZIS BIN JAMMAN [SEPANGGAR] minta **MENTERI DALAM NEGERI** menyatakan rasional memberi peluang berkali-kali kepada PATI untuk diputihkan (rehiring) dan bekerja secara sah di Malaysia seperti "moving goal post" sedangkan kadar pengangguran di Malaysia kian meningkat.

JAWAPAN

Tuan Yang Di Pertua,

Kerajaan tidak melaksanakan sebarang program pemutihan memandangkan peluang kepada Majikan untuk menggaji pekerja asing melalui platform sedia ada adalah terbuka luas dengan kemudahan permohonan secara dalam talian (*online*) di Sistem Permohonan Pekerja Asing Bersepadu (ePPAx). Kadar bayaran juga telah ditetapkan secara telus seperti levi, pemeriksaan kesihatan dan sebagainya yang sentiasa dipantau oleh Kerajaan.

Sehubungan itu, Kerajaan berpendirian tegas untuk tidak berkompromi dengan mana-mana pihak yang ingkar dalam mematuhi undang-undang negara, termasuk para majikan yang menggaji Pendatang Asing Tanpa Izin (PATI).

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

**DARIPADA : DATO' HAJI AHMAD NAZLAN BIN IDRIS
[JERANTUT]**

TARIKH : 25 OGOS 2020 (SELASA)

SOALAN

DATO' HAJI AHMAD NAZLAN BIN IDRIS [JERANTUT] minta **MENTERI ALAM SEKITAR DAN AIR** menyatakan rancangan Kementerian bagi menghadapi cuaca ekstrem akibat daripada pemanasan global yang telah menyebabkan penyusutan sumber air negara sehingga terpaksa dicatu seperti yang berlaku di Melaka awal tahun ini.

JAWAPAN

Tuan Yang Di-Pertua,

1. Pemanasan global akan mengakibatkan penyusutan air di empangan seluruh negara dan seterusnya memberi kesan kepada kecukupan air mentah bagi disalurkan kepada kepada loji rawatan air.
2. Dalam hal ini, Kementerian telah menggariskan beberapa langkah dalam menghadapi situasi ini seperti berikut:
 - i. memantau rapi paras semua sungai dan empangan yang membekalkan sumber air mentah kepada loji-loji rawatan air di negeri masing-masing;

NO. SOALAN : 15

- ii. melaksanakan pembenihan awan dengan kerjasama Jabatan Meteorologi Malaysia di kawasan empangan dan kawasan tadahan air;
 - iii. mengenalpasti sumber-sumber air alternatif (seperti air kolam atau air bawah tanah) yang selamat digunakan bagi menambah sumber air yang sedia ada;
 - iv. mengaktifkan segera Pelan Kontingensi Bekalan Air sekiranya keadaan paras sungai dan empangan menyusut kepada paras waspada, amaran dan bahaya;
 - v. menyediakan keperluan-keperluan logistik bagi penghantaran bekalan air bantuan seperti lori tangki dan tangki statik ke tempat-tempat yang menghadapi gangguan bekalan air; dan
 - vi. melaksanakan catuan air kepada pengguna-pengguna sekiranya paras sungai dan empangan menyusut ke paras kritikal.
3. Kementerian juga menyeru supaya rakyat lebih berhemah dalam penggunaan air.

Sekian. Terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPATBELAS**

PERTANYAAN : JAWAB LISAN

DARIPADA : YB TUAN PANG HOK LIONG (LABIS)

TARIKH : 25 OGOS 2020

SOALAN

TUAN PANG HOK LIONG [LABIS] minta **MENTERI DALAM NEGERI** menyatakan program mewajibkan anggota polis lulus ujian indeks jisim badan (BMI) dan ujian kesihatan sebagai syarat kenaikan pangkat telah pun dilancarkan oleh PDRM kerana masalah obesiti akan menjejaskan imej pasukan polis negara :-

- (a) Kenapa sejumlah melebihi 10,000 pegawai dan anggota polis masih dikategorikan gemuk atau obes; dan
- (b) Apa ketinggian dan berat ideal wajib pada anggota polis.

JAWAPAN

Tuan Yang Di Pertua,

- a) PDRM amat menitikberatkan kesihatan dan kecergasan yang baik ke atas setiap warganya bagi membolehkan mereka melaksanakan tugas dengan cekap dan berkesan. Oleh yang demikian, **Dasar Trim and Fit PDRM** telah diperkenalkan kepada seluruh warga PDRM pada hujung tahun 2016.

Penampilan setiap warga PDRM hendaklah dalam keadaan yang memuaskan dengan mempunyai bacaan **BMI di antara 18.5 hingga 28.0** dan sentiasa dalam tahap kecergasan yang baik. Selain itu, PDRM turut memperkenalkan dasar menggalakkan warga PDRM membudayakan amalan penjagaan kesihatan yang baik.

Selain itu, PDRM telah meletakkan **BMI** sebagai salah satu pemarkahan bagi tujuan kenaikan pangkat untuk menggalakkan setiap warga PDRM sentiasa memastikan tahap **BMI** mereka dalam tahap yang normal.

PDRM menggalakkan setiap warganya untuk menjalankan aktiviti gaya hidup sihat, pemakanan atau diet seimbang bagi memastikan pegawai polis tersebut sentiasa memiliki tahap kesihatan dan kecergasan yang terbaik.

- b) Ketinggian yang ideal bagi lelaki ialah **163 sentimeter**, manakala berat ideal bagi lelaki ialah **50 – 60 kilogram**.

Ketinggian yang ideal bagi perempuan ialah **158 sentimeter**, manakala berat ideal bagi perempuan ialah **48 - 58 kilogram**.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : DATUK HAJAH AZIZAH BINTI DATUK
SERI PANGLIMA HAJI MOHD DUN
[BEAUFORT]**

TARIKH : 25 OGOS 2020 (SELASA)

SOALAN

minta **MENTERI PEMBANGUNAN LUAR BANDAR** menyatakan status semasa pelaksanaan Projek Bekalan Air Luar Bandar (BALB) dan Bekalan Elektrik Luar Bandar (BELB) untuk kesejahteraan rakyat di kawasan luar bandar.

JAWAPAN

Tuan Yang di-Pertua,

Untuk makluman Yang Berhormat, di bawah program Bekalan Elektrik Luar Bandar (BELB), Kementerian telah dan sedang melaksanakan 15 buah projek di kawasan luar bandar negeri Sabah. Daripada jumlah tersebut dua (2) projek dalam proses pelantikan perunding, tiga (3) projek dalam proses penilaian tender, enam (6) projek dalam pelaksanaan dan empat (4) projek telah pun berstatus siap.

Bagi program Bekalan Air Luar Bandar (BALB) pula, secara keseluruhan Kementerian ini mempunyai sebanyak 63 buah projek BALB di Negeri Sabah dengan 4 projek telah siap sepenuhnya, 21 projek dalam peringkat pembinaan dan 38 di peringkat rekabentuk/perancangan.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

**DARIPADA : DATUK MOHD. AZIS BIN JAMMAN
[SEPANGGAR]**

TARIKH : 25 OGOS 2020 [SELASA]

SOALAN

Minta **MENTERI PERUMAHAN DAN KERAJAAN TEMPATAN** menyatakan rasional pemilikan rumah oleh warga asing diturunkan daripada RM1 juta kepada RM600 ribu sedangkan masih ramai rakyat Malaysia yang tidak mempunyai rumah.

JAWAPAN

Tuan Yang di-Pertua,

1. Untuk makluman Yang Berhormat, berdasarkan data Pusat Maklumat Harta Tanah Negara (NAPIC), Kementerian Kewangan Malaysia (MOF), bagi Suku Pertama 2020 terdapat 3,876 unit rumah yang berharga RM1 juta dan ke atas dengan nilai RM7.9 bilion tidak terjual di negara ini. Sehubungan itu, penjualan rumah mewah kepada warga asing dapat mengurangkan lambakan unit rumah sedia ada serta menggalakkan pertumbuhan ekonomi secara keseluruhannya.

2. Penetapan harga penjualan hartanah mewah kepada warga asing adalah berdasarkan garis panduan yang dikeluarkan oleh Unit Perancang Ekonomi, Jabatan Perdana Menteri (EPU, JPM) iaitu **Garis Panduan Perolehan Hartanah yang berkuat kuasa mulai 1 Mac 2014**, dengan merujuk kepada hartanah bernilai RM1 juta dan ke atas. Warga asing hanya dibenarkan untuk membeli hartanah bernilai RM1 juta ke atas sahaja. Walau bagaimanapun, melalui Belanjawan 2020 yang telah diumumkan oleh mantan YB Menteri Kewangan, telah menurunkan had milikan warga asing **daripada RM1 juta kepada RM600,000** tetapi bagi **kondominium dan pangsapuri sahaja** dan tidak termasuk lain-lain kategori perumahan.

3. Meskipun begitu, setiap Kerajaan Negeri turut mempunyai dasar masing-masing mengenai pemilikan hartanah oleh warga asing dan tidak tertakluk kepada pengumuman Belanjawan 2020 tersebut.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

DARIPADA : YB TUAN YAMANI HAFEZ B. MUSA [SIPITANG]

TARIKH : 25 OGOS 2020 (SELASA)

SOALAN

TUAN YAMANI HAFEZ BIN MUSA [SIPITANG] minta **MENTERI DALAM NEGERI** menyatakan apakah ada cadangan untuk mewujudkan pondok polis di Meligan/Long Pasia, Sipitang sebagai persiapan negara kita menghadapi cabaran isu keselamatan, apabila Kalimantan dijadikan sebagai ibu kota baharu Indonesia.

JAWAPAN

Tuan Yang Di Pertua,

Buat masa ini, pihak PDRM masih belum bercadang untuk mewujudkan Pondok Polis di Kampung Long Pasia memandangkan ia terletak terlalu jauh dari Ibu Pejabat Polis Sipitang iaitu sejauh 120 kilometer. Selain itu, kampung ini juga mempunyai bilangan penduduk yang terlalu sedikit dengan anggaran seramai 850 orang. Pada masa ini, Kampung Long Pasia mempunyai satu (1) Pos Kawalan Tentera bagi menjaga sempadan, berikutan kedudukannya yang bersempadanan dengan Kalimantan Utara, Indonesia. Susulan dengan cadangan Kerajaan Indonesia ingin menjadikan Kalimantan sebagai Ibu Negara Indonesia yang baharu, PDRM telah menempatkan anggota polis secara bergilir-gilir bagi tujuan rondaan dan pemantauan di Kampung Long Pasia. Selain itu, PDRM juga menyediakan Pondok Polis sementara sehinggalah IPD Sipitang mendapat lokasi yang sesuai untuk dijadikan sebagai pondok polis kekal.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : LISAN
DARIPADA : YB DATO' WIRA MOHD ANUAR BIN MOHD
TAHIR
KAWASAN : TEMERLOH
TARIKH : 25 OGOS 2020 (SELASA)

SOALAN NO. 20

minta **MENTERI KERJA RAYA** menyatakan kemajuan terkini penyelenggaraan jalan-jalan raya kerana kelihatan di sana-sini jalan-jalan raya tidak terurus, rumput dan pokok panjang di median jalan. Ini jelas kelihatan di Jalan Lingkaran Tengah 2 (MRR2) walaupun ianya terletak di dalam kota raya Kuala Lumpur.

JAWAPAN

Tuan Yang Di-Pertua,

Untuk makluman Ahli Yang Berhormat, jumlah panjang **Jalan Lingkaran Tengah 2 (MRR2)** yang disenggara oleh syarikat konsesi adalah sepanjang **39.90 km** dan melibatkan dua Daerah iaitu **Daerah Gombak (25.9 km)** dan **Daerah Hulu Langat (14.00 km)**. Kementerian Kerja Raya telah **memperuntukkan sejumlah RM820 ribu setahun bagi penyenggaraan rutin, peruntukan berjumlah RM28.2 juta bagi penyenggaraan berkala dan peruntukan kecemasan berjumlah RM1.4 juta bagi tahun 2017 hingga 2020** bagi lokasi tersebut.

Bagi tahun 2020 sehingga bulan Jun, sebanyak **10 Arah Kerja berkala pavemen bernilai RM12.96 juta** telah diperuntukkan dengan kemajuan kerja telah mencapai **45.50% siap**. Seterusnya bagi **Arah Kerja berkala bukan pavemen sebanyak 11 bilangan kerja berjumlah RM3.34 juta** telah diperuntukkan dengan kemajuan kerja telah **mencapai 49.50% siap** dan **kerja Pembersihan Jalan/ "Roadsweeper" bernilai RM0.77 juta** dengan kemajuan kerja telah mencapai **32.50% siap**.

Tuan Yang Di-Pertua,

Jabatan Kerja Raya (JKR) melalui **syarikat konsesi melaksanakan penyenggaraan rutin mengikut program kerja yang telah dirancang berdasarkan Program Kerja Tahunan**. Walau bagaimanapun **kerja penyenggaraan rutin tidak dapat dilaksanakan semasa tempoh Perintah Kawalan Pergerakan (PKP) iaitu bermula 18 Mac 2020**. Namun bermula awal **Mei 2020 kerja penyenggaraan rutin telah dilaksanakan sepenuhnya**.

Sehubungan dengan itu, Kementerian Kerja Raya (KKR) melalui Jabatan Kerja Raya (JKR) komited dalam memastikan semua Jalan Persekutuan sentiasa dalam keadaan yang selamat dan selesa dengan menjalankan

NO SOALAN : 20

kerja-kerja penyenggaraan rutin sepanjang tahun dan melaksanakan penyenggaraan berkala mengikut kelulusan dari semasa ke semasa.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

**DARIPADA : DATO' HAJI MAHFUZ BIN HAJI OMAR
[POKOK SENA]**

TARIKH : 25 OGOS 2020 (SELASA)

SOALAN

DATO' HAJI MAHFUZ BIN HAJI OMAR [POKOK SENA] minta
MENTERI SUMBER MANUSIA menyatakan :-

- (a) unjuran jumlah pekerja-pekerja warganegara, pekerja asing mengikut sektor industri yang akan hilang pekerjaan dari tempoh Jun sehingga Disember 2020 mengikut industri; dan
- (b) berapa jumlah yang telah hilang pekerjaan sejak dari bulan Mac hingga sekarang mengikut warganegara, pekerja asing dan mengikut sektor industri.

JAWAPAN

Tuan Yang di-Pertua,

1. Secara umumnya terdapat rantaian ekonomi yang terjejas mulai Mac 2020 di Malaysia dengan penularan wabak COVID-19 di seluruh dunia dan telah memberi implikasi kepada guna tenaga negara. Situasi ini turut menjejaskan ekonomi negara dan menyumbang kepada pengurangan

tenaga kerja di pelbagai sektor ekonomi. Pemberhentian pekerja di sebabkan penutupan sepenuhnya atau sebahagian syarikat, penyusunan semula syarikat, pengurangan pengeluaran, pengabungan syarikat, perubahan teknologi pengambilalihan syarikat, kegawatan ekonomi telah tidak dapat dielakkan untuk syarikat menstabilkan kos perniagaan.

2. Kementerian tiada unjuran yang terperinci mengenai jumlah pekerja-pekerja warganegara, pekerja asing mengikut sektor industri yang akan hilang pekerjaan dari tempoh Jun sehingga Disember 2020 mengikut industri. Namun begitu, berdasarkan statistik Jabatan Perangkaan Malaysia kadar pengangguran melonjak pada kadar 5.3 peratus pada Mei 2020 berbanding tempoh yang sama pada kadar 3.3 peratus tahun sebelumnya. Pertumbuhan ekonomi negara juga dijangka akan mengambil masa yang lama lagi dalam fasa Perintah Kawalan Pergerakan Pemulihan (PKPP) yang bermula 10 Mei 2020. Sektor-sektor ekonomi di kategori perusahaan kecil dan sederhana juga dijangka masih menghadapi kesukaran mengekalkan pekerja.

3. Untuk makluman Dewan Yang Mulia, statistik pemberhentian hanyalah berdasarkan laporan majikan melalui Borang Pemberhentian Pekerja (Borang PK) yang dilaporkan kepada Jabatan Tenaga Kerja (JTK). Jumlah keseluruhan yang terlibat dengan pemberhentian **bagi tempoh Januari sehingga Jun 2020** iaitu sebanyak 1,377 majikan dengan **36,196 orang pekerja**. Pemberhentian Tetap (*Permanent Retrenchment*) melibatkan seramai 28,779 orang pekerja manakala seramai 7,417 orang pemberhentian secara Pemberhentian Sukarela (*Voluntary Separation Scheme*).

4. Jumlah pekerja yang diberhentikan pada bulan Mac 2020 adalah seramai 1,791 orang, dari jumlah ini seramai 1,601 adalah pekerja tempatan dan 190 pekerja asing. Pada bulan April 2020, seramai 4,127 orang diberhentikan, dari jumlah ini seramai 3,498 adalah pekerja tempatan dan 629 adalah pekerja asing. Pada bulan Mei 2020, seramai 7,195 orang diberhentikan, dari jumlah ini, 6,390 adalah pekerja tempatan dan 805 adalah pekerja asing. Jumlah pemberhentian meningkat kepada

SOALAN NO : 21

seramai 19, 352 orang pada Jun 2020. Dari jumlah keseluruhan pekerja ini seramai 17,576 adalah pekerja tempatan dan 1,776 adalah pekerja asing.

5. Manakala mengikut sektor perindustrian pula, sektor pembuatan mencatatkan seramai 17,566 orang pekerja (48.5%) tertinggi. Di sektor penginapan dan aktiviti perkhidmatan makanan dan minuman seramai 8,903 orang (24.6%), sektor aktiviti pentadbiran dan khidmat sokongan seramai 1,400 orang (3.9%), perdagangan borong dan runcit, pembaikan kenderaan bermotor dan motosikal seramai 1,326 orang (3.7%). Manakala seramai 1,064 orang (3%) di sektor pertanian, perhutanan dan perikanan telah terlibat dengan pemberhentian.

Sekian, terima kasih.

**PEMBERITAHUAN PERTANYAAN LISAN
DEWAN RAKYAT MESYUARAT KEDUA,
PENGAL KETIGA, PARLIMEN KEEMPAT BELAS**

PERTANYAAN : LISAN

**DARIPADA : DATO' SERI MAHDZIR BIN KHALID
[PADANG TERAP]**

TARIKH : 25/08/2020

SOALAN

Minta **MENTERI PEMBANGUNAN USAHAWAN DAN KOPERASI** menyatakan langkah untuk mengembangkan atau menaik taraf keupayaan teknologi, 'internet of things' dan mendokong keperluan infrastruktur teknologi industri 4.0 bagi meningkatkan keupayaan usahawan serta perusahaan kecil dan sederhana (PKS) seiring dengan perubahan ekosistem perniagaan pasca COVID-19

JAWAPAN

Tuan Yang di-Pertua,

1. Dasar Keusahawanan Nasional 2030 (DKN2030) merupakan strategi jangka panjang negara dalam menjadikan Malaysia sebagai sebuah negara keusahawanan (*entrepreneurial nation*) yang unggul menjelang tahun 2030. Dasar ini telah menggariskan **6 teras strategik** untuk menjadikan Malaysia sebagai negara keusahawanan Unggul. Teras Strategik 4 iaitu Memacu Pertumbuhan Ekonomi Melalui Perusahaan Berteraskan Inovasi, merupakan fokus Kementerian bagi mewujudkan usahawan yang berinovasi dan memberi nilai tambah kepada produk dan perkhidmatan melalui penggunaan teknologi.
2. Teknologi Peranti Pintar (*Internet of Things* - IoT) adalah rangkaian peranti (*device*) yang membolehkan mesin dan peranti berkomunikasi sesama sendiri. Ia merupakan salah satu tonggak utama dalam Industri 4.0. Selain IoT, tonggak utama Industri 4.0 termasuklah robot berautonomi (*autonomous robot*), simulasi, pengkomputeran awan (*cloud computing*), integrasi sistem, sekuriti siber, pembuatan aditif (percetakan 3D), realiti maya (*augmented reality*) dan data raya (*big data*).
3. Keupayaan usahawan untuk mengadaptasi teknologi Industri 4.0 salah satu faktornya adalah sangat bergantung kepada ketersediaan infrastruktur yang menyokong kepada penggunaan teknologi tersebut. Antara cabaran dan halangan kepada usahawan terutamanya usahawan luar bandar untuk menguna pakai dan mengadaptasi teknologi Industri 4.0 adalah liputan akses yang terhad kepada internet berkelajuan tinggi dan infrastruktur teknologi digital.
4. Mengambil kira perkembangan semasa kesan daripada wabak Covid-19, Kementerian telah merangka inisiatif di bawah Pelan Pemulihan Usahawan dan Koperasi untuk membolehkan usahawan terutamanya perusahaan mikro, kecil dan sederhana (PKS) dan koperasi terus bertahan dalam tempoh yang mencabar ini. Pelan ini turut memberi fokus kepada meningkatkan penggunaan teknologi. Antara inisiatif yang sedang dilaksanakan ialah:

- (a) *e-Commerce Onboarding Coaching Programme (E-Board)* adalah program latihan yang bertujuan untuk memperkuat kemampuan dan kapasiti usahawan mikro, PKS dan koperasi dalam penggunaan platform e-Dagang melalui bimbingan yang intensif.
- (b) *MEDAC-MTDC I4.0 Accelerator Programme* adalah program bimbingan kepada perusahaan mikro, PKS dan koperasi bumiputera untuk mengadaptasi teknologi IR4.0 dalam perniagaan masing-masing.
- (c) Membangunkan Platform e-pasaran berpusat merupakan inisiatif untuk meluaskan pasaran produk-produk dan perkhidmatan usahawan mikro, PKS dan koperasi melalui platform e-dagang
- (d) Latihan-latihan keusahawanan oleh agensi MEDAC yang dilaksanakan secara atas talian

5. Melalui PENJANA, Kerajaan telah memperuntukan sebanyak RM700 juta untuk merangsang ekonomi digital di Malaysia. Antaranya melalui pinjaman di bawah peruntukan Geran Padanan Pendigitalan PKS sebanyak RM100 juta dan Dana Transformasi Teknologi PKS sebanyak RM500 juta melalui SME Bank. Dana ini akan membantu usahawan dan PKS bagi melaksanakan transformasi ke arah penggunaan teknologi untuk meningkatkan produktiviti perusahaan mereka.

Sekian, terima kasih

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

**DARIPADA : YB DR. NIK MUHAMMAD ZAWAWI BIN HAJI
SALLEH [PASIR PUTEH]**

TARIKH : 25 OGOS 2020 (SELASA)

SOALAN

DR. NIK MUHAMMAD ZAWAWI BIN HAJI SALLEH [PASIR PUTEH] minta **MENTERI SUMBER MANUSIA** menyatakan adakah pihak Kementerian mempunyai mekanisme khusus dalam memastikan golongan belia khususnya graduan mendapat lebih manfaat menerusi Program Latihan Penjana Kerjaya.

JAWAPAN

Tuan Yang di-Pertua,

1. Kementerian Sumber Manusia melalui Pembangunan Sumber Manusia Berhad (PSMB) telah melancarkan Inisiatif PENJANA HRDF pada 22 Jun 2020 oleh YB Menteri Sumber Manusia. Salah satu skim daripada inisiatif tersebut adalah *Place and Train* yang memberi jaminan penempatan pekerjaan setelah pelatih menamatkan latihan. Kumpulan sasar yang akan dilatih meliputi golongan graduan dan pelajar lepasan sekolah yang sekaligus akan mengurangkan isu pengangguran dalam kalangan belia. Secara keseluruhannya, peruntukan daripada PENJANA yang diumumkan oleh YAB Perdana Menteri Malaysia pada 5 Jun 2020 yang berjumlah RM250,000,000.00 akan digunakan oleh PSMB bagi memanfaatkan 40,000 graduan untuk mendapat peluang pekerjaan dalam tempoh masa 12 bulan. Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

DARIPADA : YB TUAN WONG CHEN (SUBANG)

TARIKH : 25 OGOS 2020

SOALAN

TUAN WONG CHEN [SUBANG] minta **MENTERI DALAM NEGERI** menyatakan :-

- (a) apakah status penggubalan Rang Undang-Undang IPCMC dan reformasi utama yang akan dicadangkan; dan
- (b) bilakah ia akan dibentangkan.

JAWAPAN

Tuan Yang Di Pertua,

Untuk makluman Ahli Yang Berhormat, Kerajaan telah membuat keputusan dasar untuk meneruskan penubuhan satu Suruhanjaya yang akan bertindak sebagai badan bebas bagi memantau salah laku anggota pasukan Polis Diraja Malaysia (PDRM).

Bagi tujuan ini, Kerajaan sedang memperhalusi draf rang undang-undang baharu bagi menggantikan Rang Undang-Undang (RUU) Suruhanjaya Bebas Aduan dan Salah Laku Polis (IPCMC). Rang undang-undang baharu ini akan dibentangkan di Parlimen untuk bacaan kali pertama setelah mendapat persetujuan Mesyuarat Jemaah Menteri.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

DARIPADA : TUAN AHMAD BIN HASSAN [PAPAR]

TARIKH : 25 OGOS 2020 [SELASA]

SOALAN

Minta **MENTERI PERUMAHAN DAN KERAJAAN TEMPATAN** menyatakan:-

- (a) berapa banyak rumah PPR (disewa) yang telah dibina di Sabah sejak diperkenalkan pada Februari 2002 bertujuan untuk disewakan kepada golongan sasaran (golongan yang berpendapatan rendah dan setinggan); dan
- (b) setakat ini berapa orang penyewa yang telah dikenal pasti menyewakan rumah PPR ini kepada orang lain bagi maksud keuntungan dan adakah pihak yang berwajib pernah membuat '*spotcheck*' untuk memastikan tiada rumah PPR ini disalah gunakan.

JAWAPAN (a) :

Tuan Yang di-Pertua,

1. Untuk makluman Yang Berhormat, sehingga 30 Jun 2020, sebanyak 31 projek Program Perumahan Rakyat (PPR) disewa di Sabah telah siap dibina merangkumi 21,699 unit rumah dan telah memberi manfaat kepada 86,736 penduduk di negeri Sabah. Rumah PPR yang telah siap di negeri Sabah akan diserahkan kepada Kerajaan Negeri melalui Kementerian Kerajaan Tempatan dan Perumahan (KKTP) Sabah untuk pengurusan dan pengisian.

JAWAPAN (b) :

1. Untuk makluman Yang Berhormat, merujuk kepada isu penyewaan rumah kepada pihak ketiga (*sublet*) bagi maksud keuntungan, Kementerian Perumahan dan Kerajaan Tempatan (KPKT) tidak mempunyai maklumat tepat mengenai statistik tindakan atau amaran yang telah diambil kepada penyewa berkenaan memandangkan pengurusan PPR adalah di bawah bidang kuasa pihak KKTP / Pihak Berkuasa Tempatan (PBT).

2. Berdasarkan maklum balas yang diberikan oleh pihak KKTP Sabah, beberapa siri mesyuarat bersama PBT telah diadakan dalam menangani isu *sublet* ini. Susulan daripada mesyuarat tersebut satu keputusan telah dibuat yang mana setiap PBT perlu mengemukakan laporan penuh pemantauan ke atas unit-unit yang berpenghuni setiap 3 bulan kepada pihak KKTP Sabah. Jika terbukti penyewa tersebut telah menyewakan unit tersebut, maka penguatkuasaan akan dilakukan dan tindakan penamatan kontrak penyewaan akan dilaksanakan kerana melanggar syarat-syarat penyewaan PPR.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : TUAN RAMLI BIN DATO' MOHD NOR
[CAMERON HIGHLANDS]**

TARIKH : 25 OGOS 2020 (SELASA)

SOALAN

minta **MENTERI PEMBANGUNAN LUAR BANDAR** menyatakan adakah akan dibina jalan menghubungkan perkampungan masyarakat Orang Asli di Pos Lemoi, Cameron Highlands ke jajaran utama jalan Ringlet ke Sungai Koyan. Jika ada, bila projek tersebut akan dilaksanakan.

JAWAPAN

Tuan Yang di-Pertua,

Kementerian Pembangunan Luar Bandar (KPLB) melalui Jabatan Kemajuan Orang Asli (JAKOA) sentiasa bekerjasama dengan pihak Jabatan Kerja Raya (JKR) dalam usaha meningkatkan kualiti infrastruktur dan Ameniti sosial terutamanya projek pembinaan jalanraya yang akan memudahkan aktiviti kehidupan seharian masyarakat Orang Asli.

Projek pembinaan jalan bagi menghubungkan perkampungan Orang Asli di Pos Lemoi, Cameron Highlands ke jajaran utama jalan Ringlet telah dibina melalui projek khas pada tahun 2017. Projek tersebut yang menelan belanja sebanyak RM3 juta dan dilaksanakan oleh JKR Daerah Cameron Highlands sebagai penguasa dan agensi pelaksana bermula pada 5 September 2017. Projek siap sepenuhnya pada 16 Mac 2018. Manakala perancangan bagi penyambungan jajaran jalan tersebut ke Sungai Koyan pula sedang dalam pertimbangan untuk pelaksanaan dalam RMKe-12.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : DATUK HAJI AHMAD JAZLAN BIN
YAAKUB [MACHANG]**

TARIKH : 25 OGOS 2020 (SELASA)

SOALAN

minta **MENTERI PEMBANGUNAN LUAR BANDAR** menyatakan adakah Majlis Amanah Rakyat (MARA) bercadang akan memberhentikan program tajaan pelajar ke luar negara berikutan penularan wabak COVID-19. Dan apakah status pelajar tajaan luar negara yang masih belum menamatkan pengajian mereka.

JAWAPAN

Tuan Yang di-Pertua,

MARA masih meneruskan program tajaan pelajar ke luar negara. Pelajar tajaan MARA yang sedang mengikuti pengajian masih boleh meneruskan pengajian di luar negara dengan tajaan MARA tertakluk kepada situasi terkini pandemik Covid-19 dan mendapat kebenaran daripada pihak universiti dan pihak berkuasa negara yang terlibat.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

**DARIPADA : YB TUAN AHMAD FADHLI BIN SHAARI [PASIR
MAS]**

TARIKH : 25 OGOS 2020 (SELASA)

Tuan Ahmad Fadhli bin Shaari [Pasir Mas] minta **MENTERI SUMBER
MANUSIA** menyatakan apakah usaha-usaha Kementerian di bawah Pelan
Rangsangan Ekonomi (PRE) dan PENJANA untuk membantu para majikan
dan golongan pekerja yang terkesan akibat wabak COVID-19.

JAWAPAN

Tuan Yang di-Pertua,

1. Mesyuarat Majlis Tindakan Ekonomi Bil 1/2020 pada 16 Mac 2020 telah bersetuju untuk mengambil langkah tambahan bagi memperkukuhkan Pakej Rangsangan Ekonomi 2020 (PRE2020) iaitu memberi bantuan kewangan segera (*immediate financial assistance*) sebanyak RM600 sebulan kepada pekerja yang diberi notis Cuti Tanpa Gaji (CTG) melalui Program Pengekalan Pekerjaan (ERP).
2. Manakala pada 27 Mac 2020, YAB Perdana Menteri telah mengumumkan Program Subsidi Upah (PSU) di bawah PRE 2020 dan telah ditambahbaik pada 6 April 2020 dan 5 Jun 2020 untuk memberi bantuan kewangan yang dibayar kepada majikan setiap perusahaan bagi

setiap pekerja tempatan yang bergaji RM4,000 dan ke bawah untuk tempoh 6 bulan.

3. Tujuan program ini adalah untuk membantu majikan yang terkesan dari segi ekonomi akibat COVID-19 supaya dapat meneruskan operasi syarikat serta mengelakkan pekerja hilang pekerjaan dan punca pendapatan bagi semua perusahaan.

4. Sehingga 14 Ogos 2020, PERKESO telah menerima sejumlah **329,176 permohonan dari majikan melibatkan 2,699,131 juta orang pekerja** yang telah menerima manfaat daripada bantuan Program Subsidi Upah (PSU) melibatkan pembayaran sejumlah **RM8.76 bilion**. Program Subsidi Upah adalah bantuan kewangan yang dibayar kepada majikan setiap perusahaan bagi setiap pekerja tempatan untuk tempoh 6 bulan. Tujuan Program Subsidi Upah ialah untuk membantu majikan yang terkesan dari segi ekonomi akibat COVID-19 supaya dapat meneruskan operasi syarikat serta mengelakkan pekerja hilang pekerjaan dan punca pendapatan bagi semua perusahaan.

5. Sehingga 14 Ogos 2020, seramai **340,252 orang pekerja** yang diberikan notis Cuti Tanpa Gaji melibatkan bayaran sebanyak **RM 209.62 juta** telah diagihkan di bawah **Program Pengekalan Pekerjaan (ERP)**.

6. Seterusnya, usaha-usaha lanjut Kerajaan dalam memperkasakan usaha pemulihan dan memperkasakan rakyat melalui pekerjaan, Kerajaan telah memperkenalkan **Pelan Jana Semula Ekonomi Negara (PENJANA)** melalui Kementerian Sumber Manusia yang merangkumi dua (2) komponen utama iaitu **Program Insentif Pengambilan Pekerja (Hiring Incentive)** dan **Program Latihan**.

7. Program Insentif Pengambilan Pekerja ini bertujuan merangsang permintaan pekerjaan di kalangan majikan dan meningkatkan kebolehpekerjaan serta peluang pekerjaan di kalangan pencari kerja tempatan yang terkesan akibat pandemik COVID-19. Insentif di bawah PenjanaKerjaya meliputi 4 kategori yang berikut:

#MyApprentice: Insentif Perantisan bagi majikan yang mengambil pencari kerja tempatan secara perantis dan keutamaan diberi kepada *fresh graduate* atau pelajar lepasan sekolah.

#HireMalaysia - Terdapat tiga kategori:

- (i) Insentif Pengambilan Pekerja Tempatan **di bawah umur 40 tahun**;
- (ii) Insentif Pengambilan Pekerja Tempatan berumur **40 tahun dan sehingga 60** tahun dan
- (iii) Insentif Pengambilan Pekerja Tempatan dalam **golongan mudah terjejas** terutamanya Orang Kurang Upaya (OKU) dan peserta Program *Return to Work* PERKESO.

8. Selain Insentif Pengambilan Pekerja yang dinyatakan sebelum ini, **Bantuan Mobiliti atau (*Mobility Assistance*)** juga disediakan kepada pekerja baharu yang diambil bekerja oleh pihak majikan. Bantuan Mobiliti ialah bayaran *one-off* kepada pekerja yang berpindah dari lokasi tempat pemastautin pencari kerja.

9. Bagi mana-mana majikan yang mengambil pekerja baharu dibawah Program Insentif Pengambilan Pekerja, pekerja-pekerja baharu tersebut boleh dirujuk untuk menjalani latihan yang disediakan di bawah program ini. **Program Latihan** ini merujuk kepada menyediakan latihan semula (*reskilling and upskilling*) berdasarkan keperluan majikan dan pekerja yang diambil di bawah **PenjanaKerjaya**.

Sekian, terima kasih.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

DARIPADA : TUAN WONG HON WAI [BUKIT BENDERA]

TARIKH : 25 OGOS 2020 (SELASA)

SOALAN

Minta **MENTERI ALAM SEKITAR DAN AIR** menyatakan apakah langkah meningkatkan kesedaran dan kesiapsiagaan terhadap bencana tsunami serta apakah langkah kerjasama antara Malaysia dengan *South China Sea Tsunami Advisory Center* (SCSTAC) yang baru beroperasi pada 5 November 2019.

JAWAPAN

Tuan Yang di-Pertua,

1. Untuk makluman Ahli Yang Berhormat, Negara kita mempunyai sistem dan kelengkapan yang cukup baik untuk mengesan kejadian gempa bumi dan tsunami. Penyebaran maklumat gempa bumi dapat dilakukan dalam masa lapan (8) minit selepas kejadian gempa bumi dikesan. Namun begitu, secanggih mana sistem yang dibangunkan, ianya tidak akan berkesan jika orang ramai gagal mengikut arahan atau tidak tahu apa yang harus dilakukan setelah menerima amaran awal.

2. Bagi menangani perkara ini, Kementerian Alam Sekitar dan Air (KASA) melalui Jabatan Meteorologi Malaysia (MET Malaysia) telah mengambil inisiatif untuk memperkasakan kesiapsiagaan orang awam dalam menghadapi sebarang risiko mengenai bencana gempa bumi dan tsunami sejak tahun 2006 lagi. MET Malaysia telah bekerjasama dengan Agensi Pengurusan

Bencana Negara (NADMA) dalam melaksanakan sejumlah 19 siri **Latih Amal Tsunami** di kawasan yang berisiko gempa bumi dan tsunami sejak tahun 2006 di seluruh Negara dengan sepuluh (10) daripadanya dilaksanakan di Semenanjung, enam (6) di Sabah, satu (1) di Sarawak dan dua (2) di WP Labuan. Keseluruhan 19 siri Latih Amal Tsunami ini telah melibatkan sejumlah 19,776 orang peserta. Selain itu, MET Malaysia turut melaksanakan 23 siri Kempen Siren Tsunami iaitu 14 kempen di Semenanjung, tujuh (7) di Sabah, satu (1) di Sarawak dan satu (1) Kempen Siren Tsunami di WP Labuan dengan melibatkan secara keseluruhan sejumlah 1,873 orang peserta.

3. Selain Latih Amal Tsunami, sejumlah 87 **Kempen Kesedaran Awam** turut dilaksanakan di seluruh Negara sejak tahun 2007. Sejumlah 53 siri Kempen Kesedaran Awam telah dijalankan di Semenanjung, 23 siri di Sabah, sembilan (9) di Sarawak dan dua (2) kempen di WP Labuan. Kesemua 87 program kesedaran awam ini telah disertai oleh 20,172 orang peserta di seluruh Negara.

4. Program Latih Amal Tsunami, Kempen Siren Tsunami dan Kempen Kesedaran Awam ini merupakan usaha untuk membolehkan Kerajaan menguji keberkesanan sistem amaran awal tsunami serta tindak balas agensi-agensi pengurusan bencana dan masyarakat terhadap amaran awal tsunami di Malaysia. Melalui usaha ini juga, menjadi harapan supaya rakyat Malaysia dipersiapkan dengan pengetahuan, disiplin, moral dan semangat agar mempunyai kesedaran dan kesiapsiagaan menghadapi bencana gempa bumi dan tsunami. MET Malaysia komited untuk terus melaksanakan program-program begini bagi menjamin keselamatan rakyat Malaysia.

5. Pada masa sekarang, sistem amaran gempa bumi dan tsunami nasional yang bertempat di MET Malaysia dilengkapi dengan komponen pemantauan data gempa bumi dan tsunami yang terdiri daripada 77 stesen seismik, 17 tolok pasang surut dan 18 buah kamera pantai. Komponen penyebaran maklumat gempa bumi dan amaran tsunami pula meliputi 53 siren tsunami, faksimili, telefon, stesen TV Malaysia (RTM), Mesej Pesanan Ringkas (SMS), laman sesawang MET Malaysia, laman sosial *FaceBook* dan *Twitter* serta aplikasi myCuaca. Dalam usaha meningkatkan kemampuan pengesanan gempa bumi dan tsunami serta hebahan maklumat awal tsunami kepada penduduk malaysia, MET Malaysia telah diperuntukkan bajet RM15

NO. SOALAN : 29

juta bagi mengukuhkan sistem amaran gempa bumi dan tsunami sedia ada. Projek ini, dengan tempoh pelaksanaannya dari tahun 2020 hingga 2022, melibatkan penambahan lapan (8) buah stesen tolok pasang surut, 30 buah siren tsunami dan tiga (3) buah stesen seismologi.

6. Untuk makluman Ahli Yang Berhormat, Malaysia melalui MET Malaysia yang merupakan ahli dalam *Intergovernmental Coordination Group (ICG)/ Pacific Tsunami Warning and Mitigation System (PTWMS)* dan *South China Sea Regional Working Group (SCS-WG)* turut terlibat dalam Jawatankuasa penubuhan *South China Sea Tsunami Advisory Center (SCSTAC)*. Justeru, MET Malaysia adalah terlibat secara langsung dalam usaha sama di bawah SCSTAC bagi meningkatkan kesiapsiagaan dan keupayaan Negara menghadapi bencana gempa bumi dan tsunami di rantau Laut China Selatan. MET Malaysia juga telah menghantar seorang pegawai menyertai *International Staff Programme* pada 16 September hingga 15 November 2019 di SCSTAC bagi mendapat pendedahan tentang aktiviti berkaitan operasi penuh SCSTAC.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

**DARIPADA : YB DATIN PADUKA DR. TAN YEE KEW
[WANGSA MAJU]**

TARIKH : 25 OGOS 2020 (SELASA)

DATIN PADUKA DR. TAN YEE KEW [WANGSA MAJU] minta **MENTERI SUMBER MANUSIA** menyatakan langkah yang dilakukan Kementerian di dalam membantu membuka lebih banyak peluang pekerjaan bagi menampung kesan pengangguran dijangka meningkat 17.1% atau bersamaan 610,500 orang penganggur berdasarkan Laporan Jabatan Perangkaan Malaysia bertarikh 8 Mei 2020.

JAWAPAN

Tuan Yang di-Pertua,

1. Sebagaimana tuan sedia maklum, penubuhan Jawatankuasa Peluang Pekerjaan Anak Muda JPPAM ini telah dipersetujui di dalam Mesyuarat Jemaah Menteri pada 11 September 2019 susulan daripada isu peluang pekerjaan dan peningkatan kadar pengangguran dalam kalangan belia pada masa itu. Jawatankuasa ini dipengerusikan oleh YAB Perdana Menteri dan ahli jawatankuasa yang terdiri daripada pihak Kerajaan, kluster perbankan dan penyelidikan, syarikat berkaitan Kerajaan (GLC) dan peneraju industri.

2. Untuk makluman tuan, KBS dengan kerjasama Kementerian Sumber Manusia (KSM) telah mengadakan tiga (3) kali mesyuarat pada tahun 2019 dan tahun 2020 bagi persediaan pelaksanaan mesyuarat JPPAM yang dipengerusikan oleh YAB Perdana Menteri seperti berikut :

(i) Mesyuarat Jawatankuasa Teknikal Peluang Pekerjaan Anak Muda (JTPPAM) Bil.1/2019 pada 17 November 2019;

(ii) Perbincangan di peringkat dalaman KBS telah diadakan pada 30 April 2020. Perbincangan tersebut antara lain telah membincangkan perkara-perkara berikut: keahlian dan TOR JPPAM, gerak kerja JPPAM dan cadangan kertas pembentangan JPPAM; dan

(iii) Mesyuarat penyelarasan Jawatankuasa Teknikal Peluang Pekerjaan Anak Muda (JTPPAM) Bil.1/2020 pada 12 Mei 2020.

3. Untuk makluman pihak tuan juga, mesyuarat bertarikh 12 Mei 2020 telah bersetuju supaya jawatankuasa teknikal dan jawatankuasa induk dipengerusikan dan diurussetiakan secara bersama mengikut giliran. Mesyuarat tersebut juga telah bersetuju supaya jawatankuasa teknikal akan dilaksanakan pada 18 Mei 2020.

4. Walau bagaimanapun, susulan makluman YB Menteri Belia dan Sukan dalam Mesyuarat Pasca Kabinet KBS pada 13 Mei 2020 mengenai teguran oleh YAB Perdana Menteri berkaitan jumlah semasa jawatankuasa yang agak banyak, KBS 2 diminta untuk menangguhkan mesyuarat jawatankuasa teknikal dan jawatankuasa induk ke suatu masa yang ditentukan kelak.

5. Dimaklumkan bahawa KBS sedang meneliti semula status Jawatankuasa Peluang Pekerjaan Anak Muda (JPPAM). Di antara perkara yang disyorkan ialah supaya KBS mengangkat semula Memorandum Jemaah Menteri bagi pembatalan penubuhan JPPAM dengan menyerapkan fungsinya ke dalam Jawatankuasa Pembangunan Belia (JKPB). Jawatankuasa ini akan memastikan pelaksanaan inisiatif

SOALAN NO: 30

pembangunan belia lebih teratur dan tersusun secara efektif bagi membentuk kedinamikan pembangunan, penyerlahan potensi dan serta peluang baharu untuk golongan belia secara bersepadu antara kementerian/agensi yang terlibat. Secara rasionalnya, fungsi JPPAM boleh dibincangkan dalam mesyuarat JKPB. KBS sebagai urus setia JKPB boleh menjadikan isu pengangguran dan peluang pekerjaan belia pasca COVID-19 sebagai agenda utama dan membincangkan inisiatif yang sedang/telah dilaksanakan bagi mengatasi isu tersebut; dan

6. Sehubungan itu, KBS masih belum menerima keputusan daripada Pejabat YB Menteri berkenaan hala tuju JPPAM untuk tindakan selanjutnya.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

DARIPADA : YB TUAN CHAN MING KAI [ALOR SETAR]

TARIKH : 25 OGOS 2020 (SELASA)

SOALAN

TUAN CHAN MING KAI [ALOR SETAR] minta **MENTERI DALAM NEGERI** menyatakan di setiap penjara dan depot :

(a) berapa jumlah terkini banduan, tahanan dan reman mengikut kaum, umur, jantina dan negara asal; dan

(b) reman yang paling lama sehingga kini adalah berapa tahun dan mengapa sekian lama masih dalam tahanan reman.

JAWAPAN

Tuan Yang Di Pertua,

Untuk makluman Ahli Yang Berhormat, berdasarkan rekod Jabatan Penjara Malaysia sehingga 29 Jun 2020, jumlah penghuni yang sedang menjalani hukuman dan ditahan di seluruh institusi penjara adalah seramai 66,363.

Bagi pecahan warganegara pula, seramai 52,806 orang adalah warga Malaysia iaitu 35,986 Melayu, 4,761 Cina, 6,585 India dan 5,474 lain-lain bangsa. Manakala 13,557 lagi adalah penghuni warga negara asing. Daripada jumlah ini, seramai 62,201 adalah lelaki manakala 4,162 adalah wanita.

Bagi kategori umur pula, seramai 62,684 orang adalah penghuni dewasa iaitu berumur 21 tahun ke atas, manakala seramai 3,679 orang adalah penghuni muda yang berumur 21 tahun ke bawah.

Berdasarkan rekod Jabatan Penjara Malaysia, tempoh reman yang paling lama adalah 5 tahun. Penahanan tersebut berasaskan waran menahan yang sah dari Mahkamah. Jabatan Penjara Malaysia dari masa ke semasa akan mengemukakan maklumat berhubung kedudukan tahanan reman kepada Jabatan Peguam Negara dan Mahkamah bagi mempercepatkan perbicaraan kes mereka.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB TUAN MA'MUN BIN SULAIMAN
(KALABAKAN)**

TARIKH : 25 OGOS 2020 (SELASA)

SOALAN

TUAN MA'MUN BIN SULAIMAN [KALABAKAN] minta **MENTERI DALAM NEGERI** menyatakan keputusan penuh dan lengkap mengenai cadangan pemberian tanda pengenalan diri IMM13 kepada pelarian perang Filipina, pendatang tanpa izin dan golongan yang dikategorikan sebagai orang tidak bernegara (stateless people) yang ramai terdapat di Sabah. Apakah kajian terperinci dan sesi libat urus bersama pemegang taruh (stakeholders) penduduk tempatan negeri Sabah telah dilaksanakan dan dapatan yang positif terhadap impak sosial kepada penduduk tempatan telah diambil kira.

JAWAPAN

Tuan Yang Di Pertua,

Untuk makluman Ahli Yang Berhormat, proses semakan silang di antara agensi pengeluar dokumen di Sabah iaitu Jabatan Imigresen Malaysia (JIM) yang mengeluarkan IMM13, Jabatan Ketua Menteri Sabah yang mengeluarkan Kad Burung-Burung dan Majlis Keselamatan Negara yang mengeluarkan Sijil Banci telah dilaksanakan pada tahun 2016. Hasil semakan silang tersebut mendapati jumlah keseluruhan pemegang ketiga-tiga dokumen tersebut adalah 136,055 orang. Jumlah tersebut merangkumi sebanyak 51,645 orang pemegang IMM13, 36,892 orang pemegang Kad Burung-Burung dan 47,518 orang pemegang Sijil Banci yang sah.

Merujuk kepada persoalan kedua Ahli Yang Berhormat berhubung isu Kad Pengenalan Pemastautin Tetap (MyPR), pengeluaran Kad Pengenalan MyPR yang berstatus Penduduk Tetap oleh Jabatan Pendaftaran Negara (JPN) adalah berdasarkan Subperaturan 5(3)(b), Peraturan-Peraturan Pendaftaran Negara 1990. Bagi mendapatkan Kad Pengenalan MyPR, pemohon perlu mempunyai passport yang sah dan Permit Masuk yang dikeluarkan oleh Jabatan Imigresen Malaysia (JIM).

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

DARIPADA : TENGKU ZULPURI BIN RAJA PUJI [RAUB]

TARIKH : 25 OGOS 2020 (SELASA)

SOALAN

TENGKU ZULPURI BIN RAJA PUJI [RAUB] minta **MENTERI ALAM SEKITAR DAN AIR** menyatakan apakah projek-projek sistem perparitan Jabatan Pengairan dan Saliran (JPS) dan status terkini bagi mengelakkan banjir kilat dan banjir besar berlaku di Parlimen Raub. Apakah tindakan jangka masa pendek dan panjang yang telah dibuat.

JAWAPAN

Tuan Yang Di-Pertua,

1. Untuk tindakan jangka masa pendek, Jabatan Pengairan dan Saliran (JPS) sedang melaksanakan projek-projek fizikal di bawah Pakej Ransangan Ekonomi (PRE) di Daerah Raub, Pahang sebanyak 21 projek dengan kos projek berjumlah RM1.19 juta. Projek yang dijalankan adalah merangkumi kerja-kerja menaiktaraf dan pengukuhan tebing sungai sebagai langkah untuk mengurangkan risiko banjir. Selain itu, JPS juga akan melaksanakan 4 projek di bawah Program Pemuliharaan Sungai Untuk Mengurangkan Risiko Banjir dengan peruntukan sebanyak RM550,000.

2. Manakala untuk tindakan jangka masa panjang, JPS akan mempertimbangkan pelaksanaan Kajian Pelan Induk Saliran Mesra Alam jika terdapat keperluan dan permohonan daripada negeri. Sekiranya banjir kilat kerap berlaku, Pejabat Daerah boleh mengemukakan permohonan melalui JPS Daerah Raub. Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB DATUK IGNATIUS DORELL LEIKING
(PENAMPANG)**

TARIKH : 25 OGOS 2020

SOALAN

DATUK IGNATIUS DORELL LEIKING [PENAMPANG] minta **MENTERI DALAM NEGERI** menyatakan status permohonan yang dikemukakan kepada Menteri Dalam Negeri pada 2019 bagi menghapuskan sekatan ke atas buku 'The Golden Son of the Kadazan' tulisan Bernard Sta Maria yang merupakan biografi seorang bekas ahli kabinet Kerajaan Negeri Sabah iaitu mendiang Datuk Peter Mojuntin.

JAWAPAN

Tuan Yang Di Pertua,

Penerbitan bertajuk “The Golden Son of the Kadazan” karya Bernard Sta Maria telah dikenakan tindakan Perintah Larangan di bawah Perintah Keselamatan Dalam Negeri (Tegahan Mengenai Penerbitan) mengikut Akta Keselamatan Dalam Negeri 1960 pada 19 Jun 1978 kerana memudaratkan kepentingan negara serta keselamatan Persekutuan.

Walau bagaimanapun, Kementerian telah mengambil inisiatif membuat kajian dan penelitian semula terhadap penerbitan tersebut serta meneliti setiap aspek dari sudut keselamatan dan undang-undang selain turut melibatkan pakar-pakar dalam bidang yang berkaitan sebelum sebarang keputusan mengenainya dapat diputuskan.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

**DARIPADA : TUAN SANISVARA NETHAJI RAYER A/L
RAJAJI [JELUTONG]**

TARIKH : 25 OGOS 2020 (SELASA)

SOALAN

TUAN SANISVARA NETHAJI RAYER A/L RAJAJI [JELUTONG] minta **MENTERI ALAM SEKITAR DAN AIR** menyatakan adakah Kerajaan Perikatan Nasional berhasrat untuk menyempurnakan projek tebatan banjir Sungai Pinang di Jelutong yang telah dimulakan oleh Kerajaan Pakatan Harapan.

JAWAPAN

Tuan Yang Di-Pertua,

1. Projek Rancangan Tebatan Banjir (RTB) Lembangan Sungai Pinang telah diluluskan dalam *Rolling Plan-2* (2017) Rancangan Malaysia Ke Sebelas (RMKe-11) dengan kos projek sejumlah RM150juta. Projek Lembangan Sungai Pinang ini akan diteruskan dalam RMKe-12.
2. Pada 1 Mac 2019, Kerajaan Persekutuan melalui Jabatan Pengairan dan Saliran (JPS) telah melantik Jurutera Perunding bagi kerja-kerja rekabentuk terperinci bagi menentukan rekabentuk dan opsyen kerja fizikal yang terbaik bagi menangani masalah banjir di Lembangan Sungai Pinang.
3. Pelaksanaan kerja fizikal RTB Lembangan Sungai Pinang dijadual dilaksanakan pada pertengahan tahun 2021 dan dijangka siap pada pertengahan tahun 2025. Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : LISAN
DARIPADA : YB DATUK SERI PANGLIMA MADIUS
TANGAU
KAWASAN : TUARAN
TARIKH : 25 OGOS 2020 (SELASA)

SOALAN NO. 36

minta **MENTERI KERJA RAYA** menyatakan jumlah dan panjang pelbagai kategori jalan raya di Sabah yang belum berturap dan kenapa jalan-jalan berturap begitu cepat rosak sehingga berlubang-lubang.

JAWAPAN

Tuan Yang Di-Pertua,

Untuk makluman Yang Di-Pertua, terdapat **3 kategori jalan** yang terdapat di negeri Sabah iaitu **Jalan Persekutuan, Jalan Negeri dan Jalan Majlis**. Berdasarkan maklumat terkini, **tiada jalan persekutuan yang belum diturap**. Jumlah panjang keseluruhan Jalan Persekutuan di Negeri Sabah adalah **1,428.290 KM**. Hasil pemeriksaan oleh JKR Sabah, keadaan Jalan Persekutuan yang berada pada tahap **skala 4 adalah sepanjang 306.916 km (21.49%)** manakala **skala 5 pula adalah sepanjang 306.686 km (21.47%)**. Jalan yang merekodkan bacaan skala 4 dan 5 ini kebanyakannya telah berusia **lebih 10 tahun**. Kerosakan jalan raya ini memerlukan skala pembaikan yang lebih besar dan rumit berbanding menurap semula permukaan jalan raya. Pembaikan bagi jalan raya dalam kategori ini biasanya melibatkan **kerja pembaikan setempat (*localised repair*)** dan **pembaikan menyeluruh (*rehabilitation*)** serta **membina semula (*reconstruction*)**, yang mana pembaikan adalah melibatkan keseluruhan permukaan lapisan premix serta **struktur jalan raya (*roadbase, sub-base atau sub-grade*)**.

Tuan Yang Di-Pertua,

Faktor lain yang telah menyumbang kepada kerosakan jalan ini adalah **disebabkan oleh kenderaan lebih muatan yang tidak terkawal dan menyebabkan jangka hayat jalan raya berkurang dengan drastik**. Sehubungan dengan itu, Kementerian Kerja Raya (KKR) akan bekerjasama dengan agensi penguatkuasaan yang lain bagi meningkatkan penguatkuasaan terhadap kenderaan berat yang melebihi muatan agar infrastruktur jalan raya yang dibina mencapai jangka hayat jalan raya yang direkabentuk. Penguatkuasaan bagi mengekang/menghadkan dan mengurangkan bilangan kenderaan berat yang membawa muatan melebihi had dibenarkan akan memberi faedah kepada majoriti pengguna jalan raya yang akan menikmati kemudahan

NO SOALAN : 36

infrastruktur jalan raya yang lebih baik dalam tempoh yang lebih lama.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

**DARIPADA : PUAN MARIA CHIN BINTI ABDULLAH
[PETALING JAYA]**

TARIKH : 25 OGOS 2020 [SELASA]

SOALAN

Minta **MENTERI PERUMAHAN DAN KERAJAAN TEMPATAN** menyatakan untuk menjelaskan bagaimanakah RM1 juta yang diderma oleh Syarikat ECK Development Sdn Berhad kepada persatuan yang dibentuk oleh Menteri, **Penggerak Komuniti Negara**, telah digunakan dan apakah langkah yang diambil bagi membendung sumbangan sebegini yang menimbulkan isu "*conflict of interest*".

JAWAPAN

Tuan Yang di-Pertua,

1. Untuk makluman Yang Berhormat, Kementerian Perumahan dan Kerajaan Tempatan (KPKT) telah menggubal Dasar Komuniti Negara dengan tujuan untuk mendaya upaya komuniti supaya terlibat secara aktif dalam usaha penggunaan dan pengurusan harta awam dan harta bersama serta membangunkan komuniti secara inklusif bagi mencapai kesejahteraan hidup dan pembangunan mampan. Sejumlah 98 program telah dilaksanakan dengan kerjasama 124 rakan strategik yang memberi manfaat kepada 10,575 peserta.

2. Sehingga 8 Julai 2020, sumbangan daripada rakan strategik dan Pertubuhan Bukan Kerajaan (NGO) bagi program di bawah Dasar Komuniti Negara adalah dalam bentuk *in-kind* sahaja berkonsepkan *Corporate Social Responsibility* (CSR) dan tidak melibatkan sumbangan berbentuk tunai.

3. Penggerak Komuniti Negara adalah sebuah Pertubuhan Bukan Kerajaan (NGO) yang berfungsi secara sendiri dan Kementerian tidak terlibat dalam penerimaan sumbangan berjumlah RM1 juta tersebut.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

DARIPADA : YB TUAN SIM CHEE KEONG (BUKIT MERTA JAM)

TARIKH : 25 OGOS 2020 (SELASA)

SOALAN

TUAN SIM CHEE KEONG [BUKIT MERTA JAM] minta **MENTERI DALAM NEGERI** menyatakan jumlah warga asing yang ditahan semasa serbuan imigresen dalam tempoh Perintah Kawalan Pergerakan (PKP) mengikut pecahan kewarganegaraan, umur, jantina, depot tahanan, dan sebab penahanan tersebut.

JAWAPAN

Tuan Yang Di Pertua,

Sepertimana Ahli Yang Berhormat sedia maklum, Perintah Kawalan Pergerakan (PKP) telah dikuatkuasakan bermula pada 18 Mac 2020 bagi membendung penularan wabak Covid-19 di seluruh negara. Bagi tempoh pelaksanaan PKP tersebut, jumlah tahanan warga asing di 14 buah Depot Tahanan Imigresen di seluruh negara yang direkodkan oleh Jabatan Imigresen Malaysia (JIM) pada 2 Julai 2020 adalah seramai 15,281 orang.

Pecahan tahanan tersebut mengikut warganegara adalah seperti berikut :

Bil.	Warganegara	Jumlah (orang)
1.	Indonesia	4,906
2.	Myanmar	3,802
3.	Bangladesh	2,475
4.	India	1,248
5.	China	618
6.	Vietnam	472
7.	Thailand	312
8.	Filipina	303
9.	Nepal	265
10.	Pakistan	261
11.	Kemboja	227
12.	Nigeria	133
13.	Lain-lain	259

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

DARIPADA : PUAN YEO BEE YIN [BAKRI]

TARIKH : 25 OGOS 2020 (SELASA)

SOALAN

PUAN YEO BEE YIN [BAKRI] minta **MENTERI ALAM SEKITAR DAN AIR** menyatakan sama ada Kerajaan akan meneruskan usaha Kerajaan Pakatan Harapan untuk membentangkan Rang Undang-Undang Jerebu Merentas Sempadan ke Parlimen pada tahun ini sebelum musim kering dan berikan garis masa untuk RUU ini dibentangkan.

JAWAPAN

Tuan Yang di-Pertua,

Untuk makluman Ahli Yang Berhormat,

1. Kementerian Alam Sekitar dan Air (KASA) telah meneliti kewajaran penggubalan RUU Jerebu Merentas Sempadan dari pelbagai sudut merangkumi kebolehlaksanaan undang-undang yang akan digubal, hubungan diplomatik dan elemen pencegahan pencemaran alam sekitar.
2. Berdasarkan penelitian yang telah dibuat, Kerajaan tidak akan meneruskan cadangan penggubalan Rang Undang-Undang Jerebu Merentas Sempadan. Perkara ini mengambil kira maklumbalas daripada pakar undang-undang bahawa tindakan undang-undang hanya dapat diambil terhadap syarikat milik/berkaitan Malaysia yang beroperasi di

luar negara sekiranya bukti jelas daripada negara yang menjadi punca jerebu merentas sempadan diperoleh.

3. Isu jerebu merentas sempadan tidak dapat diselesaikan hanya dengan penggubalan akta atau undang-undang. Kerajaan juga tidak mahu akta yang digubal berupa kosmetik sahaja tanpa mempunyai sebarang upaya untuk mengambil tindakan undang-undang ke atas pesalah yang menyebabkan jerebu.

4. Kerajaan percaya, jalan yang lebih baik adalah bekerjasama dengan negara jiran dan semua negara anggota ASEAN untuk menangani masalah ini secara kolektif. Dalam hal ini, KASA akan melaksanakan pendekatan secara top down dan bottom up approach melalui hubungan diplomatik yang erat dan kerjasama teknikal bagi memantapkan lagi keupayaan teknikal antara negara khususnya dalam bidang penyelidikan, teknologi berkaitan pengurusan tanah gambut serta operasi pemadaman kebakaran. Perkara ini juga adalah selaras dengan Artikel 16 – Kerjasama Teknikal dan Artikel 17 – Kajian Saintifik, Perjanjian ASEAN mengenai Jerebu Merentas Sempadan yang menekankan perkongsian kepakaran teknologi, teknik dan pengetahuan serta menyokong pelaksanaan penyelidikan saintifik dan teknikal berhubung pengurusan kebakaran tanah gambut dan hutan serta kaedah pemadaman kebakaran yang berkesan.

5. Pendekatan ini dapat memperkukuh hubungan diplomasi dan mengeratkan hubungan baik yang telah terjalin antara Malaysia bersama negara anggota ASEAN terutamanya Indonesia dalam menangani isu jerebu merentas sempadan supaya ia dapat dicegah, dikawal dan ditangani dengan baik.

6. Selain itu, Kerajaan juga akan meneliti dan menambahbaik pelan komunikasi insiden jerebu merentas sempadan bagi memastikan penyampaian maklumat yang tepat, berkesan serta mengelakkan pertikaian yang mengeruhkan hubungan diplomatik Malaysia dengan negara jiran.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB TUAN JUGAH ANAK MUYANG @ TAMBAT
(LUBOK ANTU)**

TARIKH : 25 OGOS 2020 (SELASA)

SOALAN

TUAN JUGAH ANAK MUYANG @ TAMBAT [LUBOK ANTU] minta **MENTERI DALAM NEGERI** menyatakan berapa jumlah pendatang asing (sama ada tanpa izin, pelarian dan lain-lain) yang berdaftar dan tidak berdaftar di dalam rekod agensi Kerajaan bagi Parlimen Lubok Antu dan langkah yang diambil untuk mengurangkan banjir pendatang asing di kawasan Lubok Antu.

JAWAPAN

Tuan Yang Di Pertua,

Pelaksanaan operasi Jabatan Imigresen Malaysia (JIM) khususnya di JIM Negeri Sarawak dibuat secara konsisten dengan menggunakan pendekatan bersasar (*targeted approach*) sebagai tindakan penguatkuasaan untuk membanteras Pendatang Asing Tanpa Izin (PATI) yang melakukan pelbagai kesalahan imigresen.

Pada tahun 2019, sebanyak 1,312 operasi telah dilaksanakan oleh JIM Negeri Sarawak melibatkan tangkapan seramai 2,976 orang PATI. Manakala, bermula pada 1 Januari hingga 30 Jun 2020, sebanyak 377 operasi telah dilaksanakan dan seramai 1,721 PATI telah ditangkap melalui operasi tersebut.

JIM Negeri Sarawak dengan kerjasama pelbagai Jabatan dan Agensi Kerajaan telah berjaya mengesan sekurang-kurangnya 49 pintu masuk yang tidak diwartakan ataupun laluan tikus yang sering digunakan oleh PATI untuk kemasukan secara tidak sah ke Malaysia. Justeru, pelaksanaan Op Benteng di semua pintu masuk negeri Sarawak meliputi laluan yang tidak diwartakan dilihat dapat mengekang jumlah PATI di negeri ini khususnya kawasan Lubok Antu.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL KETIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB TUAN CHANG LIH KANG
[TANJONG MALIM]**

TARIKH : 25 OGOS 2020 (SELASA)

SOALAN

TUAN CHANG LIH KANG [TANJONG MALIM] minta **MENTERI DALAM NEGERI** menyatakan bilangan permohonan mengikut kategori kewarganegaraan yang diterima dan melebihi tempoh masa 1 tahun. Apakah langkah yang diambil dan tempoh masa yang diperlukan untuk menyelesaikan kes-kes permohonan yang belum selesai.

JAWAPAN

Tuan Yang Di-Pertua,

Berdasarkan rekod Jabatan Pendaftaran Negara (JPN) bagi tempoh dari tahun 2018 hingga 30 Jun 2020, sebanyak 20,850 permohonan yang diterima melebihi tempoh masa satu (1) tahun dan sedang diproses.

Untuk makluman Ahli Yang Berhormat, Kementerian **sedang melaksanakan tindakan segera secara berperingkat terhadap semua permohonan kewarganegaraan** yang diterima oleh Kementerian. Setiap permohonan berkenaan akan diproses dengan teliti dalam memastikan pematuhan syarat-syarat yang ditetapkan dalam Bahagian III Perlembagaan Persekutuan, Kaedah-Kaedah Kewarganegaraan 1964 [L.N.82/1964] serta perundangan berkaitan yang berkuatkuasa dalam isu pendaftaran perkahwinan, pengangkatan, kesahtarafan anak, dan peraturan imigresen.

Dalam memastikan permohonan berkenaan diproses dengan lebih sistematik dan berkesan, Kementerian telah menambahbaik Prosedur Pengendalian Standard (SOP) Permohonan Kewarganegaraan Di Bawah Perkara 15A Perlembagaan Persekutuan dengan **tempoh pemprosesan yang lebih singkat** bagi **permohonan lengkap yang diterima mulai tahun 2020**.

Penambahbaikan SOP berkenaan adalah berdasarkan kepada pematuhan syarat di bawah Bahagian III Perlembagaan Persekutuan dan Kaedah-Kaedah Kewarganegaraan 1964 [L.N.82/1964] serta turut mengambil kira pelbagai aspek termasuklah kebajikan pemohon tanpa mengabaikan keselamatan dan kesejahteraan warganegara sedia ada.

Manakala, bagi permohonan kewarganegaraan lain di bawah Perlembagaan Persekutuan, fakta dan dokumen sokongan yang dikemukakan oleh setiap pemohon akan diteliti secara *case-by-case* mengikut giliran yang sewajarnya sebelum keputusan dikeluarkan. Sehubungan dengan itu, tiada tempoh tertentu yang ditetapkan bagi pengeluaran keputusan dan ia berbeza-beza mengikut keperluan kes termasuklah tempoh mendapatkan laporan tapisan keselamatan yang dijalankan oleh Polis Diraja Malaysia (PDRM).

**PEMBERITAHUAN PERTANYAAN LISAN
DEWAN RAKYAT MESYUARAT KEDUA,
PENGAL KETIGA, PARLIMEN KEEMPAT BELAS**

PERTANYAAN : LISAN

**DARIPADA : TUAN ABDUL LATIFF BIN ABDUL
RAHMAN (KUALA KRAI)**

TARIKH : 25 OGOS 2020 (SELASA)

SOALAN

Minta **MENTERI PEMBANGUNAN USAHAWAN DAN KOPERASI** menyatakan peratusan peniaga industri kecil dan sederhana yang berjaya meneroka pasaran antarabangsa dan apakah sasaran serta persiapan yang dilakukan oleh pihak Kementerian selepas selesai isu COVID-19 bagi meningkatkan kapasiti peniaga IKS ini.

JAWAPAN

Tuan Yang di-Pertua,

1. Berdasarkan data yang dikeluarkan oleh Jabatan Perangkaan Malaysia (DOSM), pada tahun 2019, Perusahaan Kecil dan Sederhana (PKS) di Malaysia telah berjaya menyumbang sebanyak **17.9%** (RM 176.3 billion) kepada jumlah eksport barang dan perkhidmatan di pasaran antarabangsa.

2. Bagi menentukan agar sektor PKS akan terus menyumbang kepada ekonomi negara selepas isu pandemik Covid-19 ini, pelbagai usaha/inisiatif telah dan sedang diambil oleh pihak Kementerian bagi meningkatkan kapasiti golongan PKS tempatan adalah seperti berikut, antaranya:

i. Program *Best Exporter* (BEP) oleh SME Bank

- Sebanyak **73 syarikat** (2016-2019) telah mendaftar dan **55 syarikat** mencatat nilai tambahan dalam jualan eksport dengan peningkatan bernilai **RM141.4 juta** dan menghasilkan **19 syarikat** eksport yang baharu.

ii. Program Galakan Eksport Bumiputera (GEB) oleh SME Corp

- Sejak tahun 2016 sehingga kini, sejumlah **75 permohonan telah diluluskan** dengan nilai geran dan pinjaman berjumlah **RM45.87 juta**

iii. *Going Export Programme* (Go-Ex) oleh SME Corp

- Sejak tahun 2014 sehingga kini, sejumlah **287 permohonan telah diluluskan** dengan nilai potensi jualan sebanyak **RM623 juta**.

3. Selain itu, kementerian lain yang turut membantu dalam meningkatkan kapasiti peniaga IKS adalah **Kementerian Perdagangan Antarabangsa dan Industri (MITI)** melalui **Perbadanan Pembangunan Perdagangan Luar Malaysia (MATRADE)** telah merangka pelbagai program promosi eksport dan pembangunan pengeksport untuk membimbing usahawan PKS ke pasaran antarabangsa. Antara program

promosi yang dianjurkan oleh MATRADE untuk membantu PKS menerokai pasaran eksport adalah seperti berikut:

- i. Pameran Perdagangan Luar Negara;
- ii. Misi Akselerasi Eksport;
- iii. Misi Perdagangan, Pelaburan dan Perniagaan;
- iv. Program Penyumberan Antarabangsa (pembeli luar negara mendapatkan produk daripada Malaysia); dan
- v. Program anjuran MATRADE seperti *Malaysia International Halal Showcase* (MIHAS).

4. MATRADE juga melaksanakan program pembangunan pengeksport seperti berikut, antaranya:

- i. Penganjuran bengkel dan seminar
- ii. Program e-Trade
- iii. Geran Pembangunan Pasaran (*MDG-Market Development Grant*)
- iv. Dana Eksport Perkhidmatan (*SEF-Services Export Fund*)
- v. Program Pembangunan Pengeksport untuk PKS milikan Bumiputera, Wanita dan Belia (BWYEDP)
- vi. Aplikasi MyExport, MATRADE.

5. Oleh yang demikian, inisiatif-inisiatif ini diharap akan dapat membantu PKS untuk kekal berdaya tahan dan berdaya saing bagi membantu merencanakan semula pertumbuhan ekonomi negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

DARIPADA : YB TUAN KARUPAIYA A/L MUTUSAMI [PADANG SERAI]

TARIKH : 25 OGOS 2020 (SELASA)

TUAN KARUPAIYA A/L MUTUSAMI [PADANG SERAI] minta **MENTERI SUMBER MANUSIA** menyatakan isu ladang-ladang yang telah dijual di negara ini tanpa diberi pampasan mengikut hak asasi manusia, apatah lagi ramai pekerja telah ditipu oleh majikan dan orang tengah. Contohnya, di Kawasan Parlimen Padang Serai, hampir 25 tahun Ladang Padang Meiha telah dijual namun pampasan untuk pekerja ladang tersebut masih belum dijelaskan walaupun keputusan mahkamah telah dikeluarkan. Maka, saya mencadangkan agar Kementerian menubuhkan satu suruhanjaya siasatan bagi menyelesaikan isu ini dan sekali gus mendapatkan keadilan bagi semua pekerja ladang tersebut.

JAWAPAN

Tuan Yang di-Pertua,

1. Kementerian Sumber Manusia (KSM) memandang serius terhadap isu-isu pekerja-pekerja ladang apabila mereka dikehendaki tinggal di ladang. Untuk itu, Akta Standard-Standard Minimum Perumahan dan Kemudahan Pekerja 1990 (Akta 446) dan peraturan-peraturan di

bawahnya dikuatkuasakan, bagi memastikan perumahan dan kemudahan-kemudahan asas yang disediakan oleh majikan ladang mematuhi standard minimum yang ditetapkan. Manakala hak dan perlindungan pengajian pekerja ladang juga di liputi melalui Akta Kerja 1955, apabila berlaku pemberhentian pekerja akibat dari penutupan/ penjualan syarikat ladang atau pengambilan tanah ladang oleh kerajaan persekutuan atau kerajaan negeri untuk tujuan pembangunan.

2. Untuk makluman Dewan Yang Mulia, berhubung isu Ladang Padang Meiha, Kulim Kedah, isu ini melibatkan tuntutan seramai 207 orang bekas pekerja East Asiatic Company Berhad (EAC) yang kini dikenali Hap Seng Consolidated Berhad (HSC). Kemudian ianya telah dijual kepada MBF Holding Sdn. Bhd. dan sekarang dikenali sebagai Alamanda Development Sdn. Bhd. (AD). Terkini pemilik ladang adalah syarikat Vintage Developer Sdn. Bhd.

3. Pada Mac 1995, Pejabat Tenaga Kerja Kulim telah membantu mendapatkan persetujuan terma penyelesaian pembayaran pampasan. Namun begitu pihak pekerja tidak bersetuju dengan terma tawaran rumah kos rendah di bayar oleh pekerja. Pihak Kerajaan Negeri Kedah melalui Pejabat Dearah Kulim telah membantu mendapatkan satu penyelesaian persetujuan berjumlah RM3,262,377.52 daripada pihak EAC.

4. Pada tahun 2003, pihak pekerja telah memfailkan tuntutan-tuntutan pekerja di Mahkamah Tinggi Alor Setar. Satu perintah telah dikeluarkan pada 23 Jun 2011 di mana pihak defendan iaitu Alamanda Development Sdn. Bhd (AD) iaitu pemilik baharu ladang perlu membayar pampasan kepada pekerja-pekerja. Pada masa yang sama Ladang Padang Meiha di bawah AD telah melantik *liquidator* iaitu Mustapha @ Raj Sdn. Bhd sebagai *receiver and manager* untuk penggulangan syarikat. Semua bayaran terhadap tuntutan pekerja tertakluk kepada prosedur undang-undang sedia ada.

SOALAN NO : 43

5. Tiada penyelesaian bayaran pampasan dicapai dan pihak kementerian telah mengadakan satu sesi perbincangan pada 4 Jun 2013. Didapati penjualan aset-aset syarikat masih tidak mencukupi untuk menyelesaikan tuntutan pekerja yang berjumlah RM450 juta. Oleh yang demikian, selepas diputuskan oleh Mahkamah tindakan lanjut boleh diteruskan dengan tindakan penguatkuasaan perintah samada melalui tindakan Writ Penyitaan dan Penjualan (*Writ Seizure & Sale* - WSS), Saman Penghutang Penghakiman (*Judgement Debtor Summons* - JDS) dan sebagainya. Pihak pekerja telah pun melantik peguam untuk mengambil tindakan lanjut kes berkenaan ke Mahkamah Tinggi Alor Setar.

6. Pada 18 Disember 2017, bekas pekerja telah mengadakan tunjuk perasaan di perkarangan Pejabat YAB Perdana Menteri dan mengemukakan memorandum menuntut bayaran Perintah Mahkamah Tinggi yang bertarikh 23 Jun 2011. Hasil perbincangan dengan Penasihat Undang-Undang kementerian di dapati pihak pekerja boleh meneruskan pelaksanaan Perintah Mahkamah Tinggi melalui peguam yang di lantik. Oleh kerana kes telah dirujuk ke Mahkamah Tinggi, maka ianya adalah diluar bidang kuasa kementerian untuk menubuhkan suruhanjaya siasatan mengenainya.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

**DARIPADA : TUAN KHOO POAY TIONG
[KOTA MELAKA]**

TARIKH : 25 OGOS 2020 [SELASA]

SOALAN

Minta **MENTERI PERUMAHAN DAN KERAJAAN TEMPATAN** menyatakan :-

- (a) jumlah dan kos projek naik taraf Kampung Baru Cina yang telah dicadangkan atau dirancangkan di Melaka untuk tahun 2018, 2019 dan 2020; dan
- (b) berapa jumlah dan kos projek-projek tersebut yang telah dilaksanakan untuk tahun 2018, 2019 dan 2020 dan sebab-sebab utama projek-projek lain belum terlaksana.

JAWAPAN

SOALAN (a)

Tuan Yang di-Pertua,

1. Untuk makluman Yang Berhormat, pada tahun 2018, 2019 dan 2020, Kerajaan telah memperuntukkan hampir RM4 juta kepada Kampung Baru di Negeri Melaka bagi melaksanakan 48 projek di bawah Program Pembangunan Infrastruktur seperti menaiktaraf jalan, longkang, dewan orang ramai, balai raya, gelanggang, kemudahan riadah dan lain-lain dengan pecahan mengikut tahun seperti berikut:

Program Pembangunan Infrastruktur	2018		2019		2020	
	Bil. Projek	RM	Bil. Projek	RM	Bil. Projek	RM
	21	1,772,208	26	2,114,471	1	100,000

SOALAN (b)

1. Untuk makluman Ahli Yang Berhormat, pada tahun 2018, terdapat sebanyak 21 projek di bawah Program Pembangunan Infrastruktur berjumlah RM1,772,208 telah dilaksanakan. Manakala bagi tahun 2019, sebanyak 26 projek berjumlah RM2,114,471 telah dilaksanakan untuk menaiktaraf kemudahan infrastruktur asas di Kampung-kampung Baru Cina di Negeri Melaka.

2. Bagi tahun 2020 pula, hanya 1 projek berjumlah RM100,000 telah dilaksanakan. Antara sebab utama projek lain belum terlaksana adalah disebabkan oleh pertukaran kerajaan yang melibatkan proses pelantikan semula Majlis Pengurusan Komuniti Kampung (MPKK). Walau bagaimanapun, Kerajaan akan meneruskan program-program pembangunan kemudahan infrastruktur asas dan ameniti sosial di kampung baru bagi memastikan kualiti hidup penduduk kampung terjamin. Pada masa kini, Kementerian akan mempertimbangkan permohonan projek-projek baru daripada Jawatankuasa Pembangunan dan Keselamatan Kampung (JPKK) yang akan dilantik oleh Kerajaan Negeri.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB TUAN RAMKARPAL SINGH A/L KARPAL
SINGH (BUKIT GELUGOR)**

TARIKH : 25 OGOS 2020 (SELASA)

SOALAN

TUAN RAMKARPAL SINGH A/L KARPAL SINGH [BUKIT GELUGOR]
minta **MENTERI DALAM NEGERI** menyatakan sama ada Kerajaan akan
memansuhkan atau meminda Akta Hasutan 1948.

JAWAPAN

Tuan Yang Di Pertua,

Penyebaran maklumat atau berita yang berunsur hasutan melalui media sosial secara tidak bertanggungjawab dalam kalangan rakyat Malaysia dikhuatiri boleh menjejaskan keselamatan dan ketenteraman awam. Sehubungan itu, Kementerian berpandangan bahawa Akta Hasutan 1948 masih relevan dengan mengambil kira struktur masyarakat Malaysia yang terdiri daripada pelbagai agama dan bangsa.

Kebelakangan ini penyebaran maklumat palsu atau berita berunsur hasutan semakin berleluasa sehingga boleh mewujudkan suasana tidak tenteram khususnya apabila berita berkenaan menyentuh isu-isu yang sensitif dalam kalangan masyarakat. Berdasarkan statistik, terdapat trend peningkatan kes pada dua tahun kebelakangan ini yang melibatkan kesalahan menghasut terhadap institusi Diraja, kaum, agama dan hak, taraf, kedudukan, keistimewaan, atau hak kedaulatan yang dilindungi oleh Bahagian 3 Perlembagaan Persekutuan atau Perkara 152,153 dan 181 Perlembagaan Persekutuan.

Bagi tempoh 2015 sehingga 1 Julai 2020, sebanyak 300 kertas siasatan telah di buka di bawah Akta Hasutan 1948 meliputi 41 kes telah berjaya dituduh, 171 kes telah diputuskan *No Further Action* (NFA), 54 kes masih dalam siasatan dan 34 kes telah di putuskan Kemaskini Untuk Simpan (KUS).

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

**DARIPADA : YB PUAN JUNE LEOW HSIAD HUI
[HULU SELANGOR]**

TARIKH : 25 OGOS 2020 (SELASA)

PUAN JUNE LEOW HSIAD HUI [HULU SELANGOR] minta **MENTERI SUMBER MANUSIA** menyatakan sama ada Kementerian menyediakan bantuan atau insentif khas kepada pengusaha Taman Didikan Kanak-kanak (TADIKA) swasta yang turut terkesan akibat pandemik COVID-19 di mana mereka tidak dibenarkan beroperasi sepanjang tempoh Perintah Kawalan Pergerakan (PKP).

JAWAPAN

Tuan Yang di-Pertua,

1. Berhubung pertanyaan **Yang Berhormat Hulu Selangor**, di bawah Pelan Jana Semula Ekonomi (PENJANA), Kerajaan turut menyediakan **insentif khas kepada pengusaha Taman Didikan Kanak-Kanak (TADIKA) swasta** yang turut terkesan akibat pandemik COVID-19 sebagai inisiatif meringankan beban pengusaha TADIKA swasta untuk membuka semula operasi mereka. Pengusaha TADIKA swasta yang berdaftar di bawah Kementerian Pendidikan (KPM) akan menerima geran secara sekali bayar (*one-off*) sebanyak RM5,000. Bagi pengusaha TADIKA yang tidak berdaftar dengan KPM akan menerima geran *one-off* sebanyak RM3,000 sekiranya pendaftaran TADIKA mereka dibuat sebelum 31 Oktober 2020.

2. Namun begitu, pengusaha TADIKA yang menggajikan pekerja boleh membuat permohonan untuk mendapatkan bantuan seperti berikut:

(i) **Program Subsidi Upah (PSU)**

Program ini adalah bertujuan untuk membantu majikan yang terkesan dari segi ekonomi akibat COVID-19 supaya dapat meneruskan operasi syarikat serta mengelakkan pekerja hilang pekerjaan dan punca pendapatan. Tempoh PSU pada mulanya adalah untuk 3 bulan bermula pada 1 April 2020 dan telah dilanjutkan lagi untuk tempoh tiga (3) bulan di bawah PENJANA. Bantuan PSU adalah berdasarkan kepada tiga kategori saiz perusahaan.

(ii) **Program Insentif Pengambilan Pekerja (*Hiring Incentive Programme*)**, Bantuan Mobiliti dan Program Latihan di bawah Pelan Jana Semula Ekonomi Negara (PENJANA). Program ini adalah bertujuan untuk merangsang pengambilan pekerja oleh majikan, di samping itu meningkatkan **kebolehpkerjaan** seseorang pekerja melalui latihan/latihan semula.

3. Program-program **di bawah PENJANA** untuk merangsang pengambilan pekerja oleh majikan adalah seperti berikut:

- (i) Program *MyApprentice* - keutamaan diberi kepada graduan baharu atau *fresh graduate* atau pelajar lepasan sekolah;
- (ii) Program *HireMalaysia* - pengambilan pekerja tempatan di bawah umur 40 tahun dan berumur 40 tahun ke atas;
- (iii) Insentif Pengambilan Pekerja Tempatan dari golongan Orang Kelainan Upaya (OKU) dan peserta Program *Return to Work* PERKESO;
- (iv) Bantuan Mobiliti secara *one-off* kepada pekerja yang berpindah dari lokasi tempat bermastautin ke tempat kerja baharu.
- (v) Program latihan untuk pekerja berdasarkan keperluan majikan; dan
- (vi) Portal *MYFutureJobs* iaitu portal pekerjaan membantu majikan dan pencari kerja mendapatkan pekerjaan.

Sekian, terima kasih.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

DARIPADA : TUAN WILLIAM WONG JEE KEEN [SELAYANG]

TARIKH : 25 OGOS 2020 (SELASA)

SOALAN

TUAN WILLIAM WONG JEE KEEN [SELAYANG] minta **MENTERI ALAM SEKITAR DAN AIR** menyatakan sama ada Kerajaan Malaysia sedang membantu Indonesia memulihkan paras air bawah tanah (*groundwater level*) di kawasan-kawasan tanah gambut yang mudah terbakar setiap kali musim kemarau.

JAWAPAN

Tuan Yang Di-Pertua,

1. Kerajaan Malaysia masih tidak menerima apa-apa permohonan secara rasmi dari Kerajaan Indonesia untuk membantu dari segi pemadaman kebakaran atau pun memulihkan paras air bawah tanah di kawasan tanah gambut.
2. Untuk makluman dewan, Kerajaan Malaysia pernah mengadakan kerjasama dua hala bersama Kerajaan Indonesia melalui satu Memorandum Kesefahaman (*Memorandum of Understanding* - MoU) yang telah ditandatangani antara kedua-dua pihak pada 3 Jun 2008 di Jakarta. Kerjasama ini merangkumi tindakan pencegahan dan menangani kebakaran tanah dan hutan, dan jerebu di Wilayah Riau, Sumatera, Indonesia. Namun begitu kerjasama tersebut tidak diteruskan di atas permintaan Kerajaan Indonesia.

NO. SOALAN : 47

3. Kerajaan Malaysia pada dasarnya bersedia untuk meneruskan bekerjasama jika Kerajaan Indonesia memerlukan bantuan dari segi peningkatan keupayaan seperti pertukaran teknologi pencegahan, pengawalan dan peningkatan paras air bawah tanah di kawasan tanah gambut di Indonesia.

Sekian. Terima kasih.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

**DARIPADA : TUAN YUSUF BIN ABD. WAHAB [TANJONG
MANIS]**

TARIKH : 25 OGOS 2020 (SELASA)

SOALAN

TUAN YUSUF BIN ABD. WAHAB [TANJONG MANIS] Minta **Menteri Alam Sekitar Dan Air** Menyatakan Bahawa Banyak Ban-Ban Pertanian Yang Telah Rosak Akibat Hakisan Pantai Atau Tindakan Ombak Laut Seperti Yang Terjadi Terutamanya Di Kampung Paloh, Kedang, Sebako, Penibong, Betanak, Salah Kecil, Penipah, Tekajong Dan Bruit. Adakah Kementerian Mempunyai Rancangan Untuk Membaiki Dan Menaik Taraf Ban-Ban Pembinaan Ban Pertanian Serta Struktur Kawalan Air Laut Secara Menyeluruh, Supaya Aktiviti Pertanian Penduduk Di Kawasan Tersebut Dapat Dimajukan Lagi.

JAWAPAN

Tuan Yang Di-Pertua,

1. Untuk makluman, pembinaan ban pertanian adalah dibawah bidang kuasa Kementerian Pertanian dan Industri Makanan (MAFI). Melalui semakan dengan MAFI, Jabatan Pengairan dan Saliran Negeri Sarawak telah mengemukakan dua (2) permohonan projek baru untuk menaiktaraf ban-ban pertanian bagi kawasan Parlimen Tanjung Manis dalam RMKe-12 dibawah MAFI.
2. Projek baharu pertama ialah projek membina dan menaik taraf Skim Pertanian Pulau Bruit dengan anggaran kos sebanyak RM15 juta. Projek ini

meliputi kawasan Kg. Bruit, Kg Penipah, Tg. Sirik, Kg. Tekajong, Kg. Salah Besar, Kg. Salah Kechil, Kg Betanak, Kg. Penibong, Kg. Penyuai, Kg. Saai dan Teluk Telaga.

3. Projek baharu kedua ialah projek membina dan menaiktaraf infrastuktur pertanian di Skim Sungai Bapa dengan anggaran kos sebanyak RM2 juta. Projek ini meliputi kawasan Sungai Bapa, Mukah.

4. Walau bagaimanapun, Kementerian ini melalui Jabatan Pengairan dan Saliran (JPS) Malaysia mengambil perhatian masalah hakisan pantai yang berlaku di seluruh Malaysia. Projek Pengawalan Hakisan Pantai Kampung Paloh Lama, Daerah Tanjong Manis, Bahagian Mukah, Sarawak telah dimohon dalam RMKe-12 dengan anggaran kos berjumlah RM12 juta.

Sekian. Terima kasih.